

罔悟是非之顛倒目成可羨豈思空色之回  
 環心無一視之仁性背三思之戒天理地魄  
 朝朝霧暗於昏衝陰粹陽精日日烟迷於苦  
 海莫回頭於塵外惟曳尾於途中三元朱墨  
 之紛紛五帝簡書之錯綜罪花未落善果難  
 圓伏願天吏星馳頌丹綸於閭闔地祇風動  
 承紫誥於朔單慈光爰黑簿之繁威神勅玄  
 曹之衆移名朱府紀字青宮解身命戰聞之  
 威蹙退運限刑衝之惡曜禱期開雅碧潭澄  
 影於秋蟾步武從容翠羽凝光於晚鑑雲醴  
 潤星星之鬢霞漿酣湛湛之容快樂今時歡  
 娛後世駕虛无乘渺莽衣食自然解幽暗觀  
 光明形神俱妙劫劫長臻於福地生生永樂  
 於陽天蒙米丹忱允昭玄既上願天網高晏  
 地紀輝華風雨均調陰陽協泰璇極流彩尊  
 玉帛於中朝銀漢開祥慕衣冠於外域邊絕  
 狼烽之警野無鼠社之憂共樂太和同瞻大  
 定則上明  
 天尊大慈之化下副臣等皈命之誠謹啓以  
 聞

發願  
 存神燒香

香官使者左右龍虎君侍香諸靈官當令臣  
 清旦陞壇行道之所自然生金液丹碧芝英  
 百靈衆真交會在此香火爐前令臣學道得  
 道求仙得仙齋主獲福幽顯沾恩十方仙童  
 玉女侍衛蘭烟傳臣向來所啓速達徑御  
 太上无極大道至真玉皇上帝 御前

出壇頌

靈寶頓教濟度金書卷之一百六十七

靈寶頓教濟度金書卷之一百六十八

洞微高士開光救苦真人等金真授  
 靈寶通玄私教水南先生林靈真編

科儀立成品 預修黃錄用

第三日午朝儀

步虛 燒香頌  
 各禮師存念如法  
 衛靈

元始虛皇 集炁居中 三景洞香 聲生穹隆  
 七轉九虛 混合回風 變化萬神 天地開通  
 吉日行事 萬魔敬從 陽暉正照 默運元功  
 執節連麾 散花太空 十方普慶 劫運無終  
 與道合真

鳴法鼓二十四通  
 發爐

无上三天玄元始三炁太上道君召出臣身  
 中三五功曹左右官使者侍香金童傳言玉  
 女五帝直符直日香官各三十二人出出者  
 嚴裝開啓玄壇天帝神君當召此間土地里  
 域真官正神急上開啓臣奉為入齋意以



正一天師清微第 共百卷  
 道教學林

今午朝陛壇行道願得

玉清道炁靈寶妙炁下降流入臣等身中即  
使玄壇清淨內外成真天無氛穢地絕妖塵  
琳琅振響十方肅清萬魔不干真誠上徹令  
臣所啓速達徑御

太上无極大道至真玉皇上帝御前

請稱法位

具位奉行預修黃籙大齋法事小兆臣某與  
臨壇官衆等謹同誠上啓

太上无極大道虛元自然元始天尊太上道  
君太上老君高上玉皇十方已得道大聖衆  
至真諸君丈人三十二天帝君王虛上帝玉  
帝大帝東華南極西靈北真玄都玉京金闕  
七寶瓊臺紫微上宮靈寶至真明皇道君三  
十六部尊經玄中大法師上相上宰上保上  
傅太平下教二十四真人西城總真王君太  
乙真人東嶽上卿司命茅君定錄保命二真  
人名山洞府得道神仙三界官屬一切真靈  
臣聞龍潭湖圖真二儀之經緯鴻鈞啓運羅  
四象之陰陽神州轉運於方輿赤縣瓜分於

寰域四九色澤之壘下接杳冥三千黃混之  
區旁聯寥廓八溟周野五鎮凌霄瑤臺玄圃  
之崇仙靈是宅蓬島翠瀛之遠具聖仗都呼  
吸風雲卷舒日月育百昌而承天御政澤羣  
靈而拱極宣符有鬱絕之神鄉寶朔單之鬼

域權衡帝憲索齋生凡赫奕於天光必開  
明於地禁今齋主某寓形宇宙稟炁陰陽荷  
海嶽之分精感山川之儲秀隨波三歎逐景  
再思念形為載神之舟茫茫鹿逐況心非運  
機之主忽忽烏馳百齡荏苒以難留萬劫迴

旋而莫極離為溺援執與顛扶惟九戒之聖  
力難思而二符之神功備著巍巍金闕赫赫  
瓊章倘佩奉於生前可依憑於身後誠堅金  
石潔蓮宇以祈天誓炳丹青蕭芝壇而事帝  
按九霄之玉範遵三洞之金科保慶劫年斷  
除尸累襲禳祥於鸞御流福祿於龍宸舒碧  
摘華瀟丹檨蒸不避再三之瀆庸殫萬一之  
忱爰有青詞謹當宣奏

宣詞

按如詞旨備切動深是等肅將瑤珮旅進彤

輝瞻白玉之毫光觀黃金之寶相紫精轉午  
麗天浮羲御之華翠影變霄輝日煥霧林之  
韻映千枝之鳳華騰百和之龍烟月磬虛徐  
振步虛於玉籟雲鋪清亮鳴空洞之金瓊霓  
旌迎白鶴以翩翻羽蓋導青鸞而鼓舞三靈

散影十極生輝願垂湛露之恩申錫玄雲之  
蔭古今同慶幽顯蒙恩  
以今臨午行道請法衆等運茲初捨上香  
願此香烟騰空徑上供養  
元上至真道寶臣等皈身皈神皈命首體投

地仰依

太上三尊願以是功德上祝

皇帝陛下伏願八帝壽功三王並德握金圖  
而御守夷夏朝宗延玉曆以提封乾坤扶極  
形挾佐徽柔之化青宮彰仁化之風勢屹金  
湯文治輝華於月塞誓申帶礪武功齊紀於  
雲臺今故燒香自皈依

師尊大聖衆至真之德得道之後保天長存  
和與道合真

以今臨午行道請法衆等運茲二捨上香

願此香烟騰空徑上供養

无上至真經寶巨等皈身皈神皈命首體投地仰依

太上三尊願以是功德皈流齋主其伏願八面玲瓏一心皎潔鸞停鶴峙翩翩彰文獻之

風騰化騰持濟濟映詩書之澤周潤之香生不斷謝庭之毓秀長新篋篋春融茂福庭之

喜氣門闌水潔開壽域之祥光今故燒香白飯依

師尊大聖眾至真之德得道之後升入無形和與道合真

以今臨午行道請法眾等運茲三捻上香願此香烟騰空徑上供養

无上至真師寶巨等皈身皈神皈命首體投地仰依

太上三尊願以是功德皈流八荒六合嶽瀆

川靈並願博厚載物先天大河出圖浴出書彰聖時之美瑞淵藏珠山藏玉開盛世之

祥光神龍奮膏雨以濟時鳴鳳舞朝陽而瑞世山林秀潤四時之草木生生藪澤熙平萬

品之飛潛化化今故燒香自飯依師尊大聖眾至真之德得道之後升入無形和與道合真

禮方 誠方 命魔 步虛

三啓 三禮 重稱法位

具位奉行預修黃籙大齋法事小兆臣某與臨壇官眾等謹重誠上啓

太上无極大道元始天尊太上道君太上老君无上玄老十方已得道大聖眾至真諸君

大人三十六部尊經玄中大法師天師君上相上宰四司五帝三界官屬一切真靈巨等

杞梓微寶衆輪短景藉三生之慶運際萬劫之昌時紫玉天章幸披承於鳳笈丹金聖策

獲佩奉於龍函戴師恩激勵之功藉真聖擬

擲之造分盍樓神烟岫精思崇景虛无尚乃涉迹於塵籠苟且和光於朝市隻凡逐逐百

行悠悠曲成雨露之恩俾道雷霆之誼憲天領教誓殫一得之愚體道濟時期贊三靈之

運玄班濫厠丹個勤敷今齋主其百拜朝天

一忱伏地望清微而請命植福今生邈紫柱以馳神祈祥累劫尚慮業障性愛霧縈心

縱三毒以冥行蕩六塵而汎駕目滋補蔽耳潤官商鼻嗅豐美之香舌啖肥甘之味意耽

玩好身美輕肥因六賊之搶攘致一靈之濁濁義利顛倒人我紛紜背道德而逐繁華棄

綱常而賤名譽三官九署昭昭霜雪之條章六洞十宮赫赫雷霆之憲令釀災癘於今世

蘊苦惱於他生願沛天恩俯頒帝勅許下愚之遷善昭上聖之同仁風火無停勒黑編而

削字日星有赫宣青籙以增名六淫無撓於金花五炁常滋於玉樹精神益茂榮衛流和

靈關朝雲液之芳嬰龍煥晝玄鼎灌霞漿之潤蛇虎騰霄享順年而丹簡流恩度劫塵而

赤書保運後天難老與道合真他生無輪轉

之憂見在保熙平之樂家如丹禧允荷玄思上願地紀靜安坤儀昭晏山林華潤河海澄

清陸潛蛇虎之災澤絕蛟螭之害三農登業耕隴畝之黃雲四鄙清烽樂鄉閭之白日俗

無天橫家有詩書則上明  
天尊大慈之化下副臣等頓命之誠謹啓以聞

發願  
存神燒香

香官使者左右龍虎君侍香諸靈官當令臣  
午朝陞壇行道之所自然生金液丹碧芝英  
百靈衆真交會在此香火爐前令臣學道得  
道求仙得仙齋主受福幽顯沾恩十方仙童  
玉女侍衛蘭烟傳臣向來所啓速達徑御  
太上无極大道至真玉皇上帝 御前  
出堂頌

靈寶領教濟度金書卷之一百六十八

靈寶領教濟度金書卷之一百六十九

洞微高士開光救苦真人竊金具校  
靈寶通玄弘救水南先生林靈真編

科儀立成品 預修黃  
錄用  
第三日晚朝儀

步虛 燒香頌

各禮師存念如法

衛靈

玄陰七靈 九炁合形 魂精魄爽 二景回輪  
飛光赫奕 煥耀長春 日月吐暉 回合華英  
大梵流布 奔飛炎鈴 魔王受事 朝謁帝京  
合靈普降 廣惠幽明 玉文敷告 萬炁騰升  
與道合真

鳴法鼓二十四通

發爐

无上三天玄元始三炁太上道君召出臣身  
中三五坊曹左右官使者侍香金童傳言玉  
女五帝直符直日香官各三十二人出出者  
嚴裝闡啓玄壇天帝神君當召此間土地里  
域具官正神急上關啓臣今奉為入齋意以

今晚朝陞壇行道願得

玉清道炁靈寶妙光下降流入臣等身中即  
使玄壇清淨內外成具天無氛穢地絕妖塵  
琳琅振響十方肅清萬魔不干具誠上徹令  
臣所啓速達徑御

大上无極大道至真玉皇上帝 御前

請誦法位

具位奉行頌修黃籙大齋法事小兆臣某與  
臨壇官衆等謹同誠上啓

太上无極大道虛无自然元始天尊太上道  
君太上老君高上玉皇十方已得道大聖衆  
至真諸君丈人三十二天帝君玉虛上帝玉  
帝大帝東華南極西靈北真玄都玉京金闕  
七寶瓊臺紫微上宮靈寶至真明皇道君三  
十六部尊經玄中大法師上相上宰上保上  
傅太平下教二十四真人西城總真玉君太  
乙真人東嶽上卿司命茅君定錄保命二真  
人名山洞府得道神仙三界官屬一切真靈  
臣聞函三御運鼓妙有之真精得一分靈粟  
大无之混炁配陰陽而毓秀羅經緯以儲英